

立典契字人大甲六塊厝庄李文騫有承父牒過西社番婦某□老大石埔壹所坐落土名在六塊厝庄後西勢其東西南北四至以及灌溉俱登載上手番契內明白今因乏銀別創欲將此石埔轉典他人先問房親叔兄弟姪不能承典外托中引就典與水汙頭庄王洪觀兄弟出首承典當日全中三面言議時值價佛頭銀壹佰拾伍大員正其銀及契即日兩相交收明白其石埔田隨即踏付銀主前去掌管召佃耕作每年納大租粟三斗正其石埔田明限陸年為滿限滿之日聽牒主備足典契內佛銀清還取回原契不得刁難如銀未便依舊付銀主召佃耕作但此石埔田番契內年限已滿倘番主若要換字牒主自應支理與銀主無干保此石埔田乃係騫承父物業與叔兄弟姪無干亦無重張典掛他人不明為碍如有不明騫出首抵當不干銀主之事此係二比甘愿各無反悔恐口無憑合立典契字壹紙併繳上手番契三紙共四紙付執為炤

批明即日全中收過典契內佛銀壹佰拾伍大員正足再炤

代筆人 李哲□（花押）

知見人 李三林（花押）

為中人 李貴觀（花押）

道光貳拾玖年拾壹月 日

立典契字人 六塊厝庄李文騫（花押）

